



UNIVERSITÄTS-
BIBLIOTHEK
PADERBORN

Universitätsbibliothek Paderborn

Cavssa Helvetica Orthodoxae Fidei

Murner, Thomas

Lucernae, 1528

VD16 M 7034

Benedictvs Bvrgovver Parrochus ad sanctum Gallum. Vndecimus
argue[n]s.

urn:nbn:de:hbz:466:1-29525

CONCLUSIO QVINTA.

ij. Reg. xij. Quum enim Dauid peccauerat, remissa quidem fuit culpa, nihilominus tamen propheta dicebat, deus peccata tua in alios transtulit, *translatio non est in culpa, sicut deus per Ezechielem ait. Filius non portabit iniquitatē patris &c.* Ideoq; & peccator; translatio intelligi debet in pœnam, sicut peccati ratione oportuit mori filiū Dauid. Bonus ille dominus cellus iactanter inducit dicta illa esse clara, uerum dico clara esse de peccator; remissione, sed ex toto nihil cōtra purgatorium deseruiunt, & oportet malā esse obstinatā in Hesse, quia dicit nullū esse clarū dictū de purgatorio, legat ipse pri. ad Corinth. iij. Si cuius opus arserit, detrimentū patiet, ipse aut saluus erit, sic tamen quasi per ignem. Nunc aut nemo saluus erit per ignem infernalem. Ideoq; & hæc clara uerba intelligi oportet de purgatorio. Aliud clarum dictū ipse crebro legit quādo sacerdos adhuc erat ij. lib. Mach. iij. cap. Quādo Machabæus offerri fecit Hierosolymis pro illis qui in bello ceciderant, & sequit. Sancta ergo & salubris est cogitatio pro defunctis exorare ut a peccatis soluant, eos qui apud inferos sunt non iuuat, hī uero qui in celo sunt non egent. Ideoq; & hoc dictum clarum, lucidū & pregnans pro purgatorio, quare & merito Hesus hanc picardicā hæresim decidere pateretur, quum met ipse Lutherus eam primo damnarit, se scire dicens purgatorium esse. Et quum Luthero tantum tribuatis ubi est contra ecclesiam, quare & in hoc ei non creditis, hoc solum uestra mala uoluntas efficit, quia nihil boni acceptatis, & malum undiq; colligitis.

BENEDICTVS BVRGOWVER PAR
rochus ad sanctum Gallum. Vndecimus arguēs.

EGo quum sancto Paulo opto ut nobis aperiat hostiū uerbor; suor; ad nunciandū misterium Christi, & nobis loquentibus spiritū dei, sicut ipse Philippū eunucho adduxit, & apperiat nobis scripturas in uero intellectu, Amen. Sicut quinta cōclusio eruditi & docti dñi mei doctoris Eckij sonat.

Gg

COLLATIO LII.

Post hanc uitam esse purgatorium. Quamuis ego in propria persona nihil in specie contra hoc depugnaui, neq; prædicaui, sed iuxta hoc duas ostendi uias mortis & uitæ, quas nos oēs expectare futuras oportet. At ex Christiano animo hoc perturbatissimo tempore, & contrariæ doctrinæ, secundum ordinem meor; gratiosor; dominor; laudandi foederis Hebræor; ad ueritatis inuestigationē secundū ueram opinionē & intellectū scripturarū. Intelligo ego primo hoc uerbū purgatorij denotat & importat per hominem posse consequi & deseruiri siue mereri perpetuam fœlicitatem. Quia aut̃ diuus Paulus ad Galatz. iij. nos omnes filios dei appellat per fidem quæ est in Christo Ihesu. Post hæc pri. ad Corinth. iij. Omnia nostra sunt siue Paulus, siue Apollo, siue Zephas, mundus, uita, siue mors, presentia siue futura, nihilominus omnia nostra sunt, nos aut̃ Christi, Christus autem dei, testatur itaq; diuus Paulus, quum omnes nos sub peccato conclusit, ut filius dei nobis iustitiam tribuat, salutem & redemptionē, quia propheta Esaias eum nominat ix. ca. nobis natū esse, nobisq; datum, sicut & angeli testati sunt Luc. ij. Gaudiū magnū erit omni populo, quia natus est nobis hodie saluator, quum igit̃ nobis euangeliū uirtus sit dei in salutē omni credēti, & longe ante alios gratia plenus. Paulus ad Philip. iij. tam ditissime testatur se in lege sine quærela conuersatū scđm iustitiā non secundū iustitiā quæ ex lege erat, sed scđm illam quæ ex fide est Ihesu Christi ad cognoscendū illū, & uirtutem resurrectionis eius, & societate passionis illius &c. Sed & ad Ro. iij. inquit. Iustitia aut̃ dei per fidem Ihesu Christi in omnes & super omnes qui credūt in eum. Quia igit̃ Paulus lucide & clare ibi ostendit hominē iustificari probumq; fieri per fidem absq; operib; legis, iuxtaq; beneficiat̃ hanc per charitatē operari secumq; fructū adferre, in ij. Pet. i. Ideoq; de nulla uel mortua uel diabolica fide mentionem fecisse uolo. Quia ergo scriptura sola opera carnis & his damnationē & opera spiritus & his uitam æternam

CONCLUSIO QUINTA.

æternam promittit, & inter uitam æternam & damnationem nullum medium ponit, quia scriptura Matth. vij. arborem aut bonam aut malam appellat, morimur ergo aut in fide in deum, quæ nihil aliud est quam Christi cognitio, cum subiectione & recognitione nostræ peccatricis uitæ ad redemptionem & misericordiam Christi. Quia ergo deus suo unico filio non perperit, sed pro nobis omnibus maledictum eum fecit, quo perpetua maledictio a nobis auferretur ad Gal. iij. cap. Quum igitur ad salutem omnes uocati simus, & hoc non ex nobis, quia donum dei est, & non ex nostris operibus, ne quis inde glorietur, ad Ephe. ij. Iuxtaque nos in bonis operibus, quæ deus parauit, ambulare debemus. Quum ergo dominus nos monet Matth. xxv. in parabola quinque prudentium, & quinque fatuarum uirginum, quæ oleum a se mutuo emere uolebant, neque met ardentibus faculis in manibus portare, dominumque uigilantes & orantes prestolari, nos dominus monet iam his diebus gratiæ & huius temporis operari, & non mandauit pro defunctis nos sollicitos esse debere, aut certe turbari prim. ad Theol. iij. Necessarium non est nisi alia scripturarum ratio indicet & habeatur, purgatorium ponere tantum pro hac uice.

D. ECKIVS.

In nomine tuo dñe Ihesu Christe, Amen. Multas induxit scripturas dñs Benedictus S. Galli parochus de fide, & quod nobis suam misericordiam deus impartitus sit per filium suum, quæ hinc ad causam nihil deseruiunt, omnes namque nos hoc credimus. Voluit ergo bonus ille dominus uideri, se folia in libris uoluere nosse. Iuxta meam hesternam protestationem demitto huiuscemodi circumitus. Post medium sermonis sui de duabus uis loquitur, una uitæ æternæ, alia æternæ damnationis. Dilecte dñe parroche has scriptura non appellat uias, hospitia sunt uiatorum, quod aut uia in cælum præcipue obliqua non per purgatorium pergat, hoc uobis probandum restat. Casu hic utimini in scolis petitio principij appellato. De arbore

Gg ij